

Zeitschrift: Akzent : Magazin für Kultur und Gesellschaft
Herausgeber: Pro Senectute Basel-Stadt
Band: - (2004)
Heft: 5

Artikel: S Thomas Platter-Huus im Gundeli
Autor: Miville-Seiler, Carl
DOI: <https://doi.org/10.5169/seals-842818>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 29.03.2025

ETH-Bibliothek Zürich, E-Periodica, <https://www.e-periodica.ch>



sein, um das Gundeli als lebenswertes und lebendiges Quartier erhalten zu können. Die Stadt in der Stadt muss Sorge tragen, dass sie sich nicht als Durchgangsstation degradiert, sondern als Ort gesehen wird, wo es sich gut wohnen lässt.

Verwendete Literatur

Schenk Rolf, *Das Gundeldingerquartier*, Stadtbuch 1984, Christoph Merian Verlag, Basel 1985

Plüss Margrit, *Aus den Anfängen des Gundeldingerquartiers*, Stadtbuch 1967, Verlag Helbing & Lichtenhahn, Basel 1968

www.euroville.ch

www.statistik.bs.ch

www.werkstadt-basel.ch

S Thomas Platter-Huus im Gundeli

Mer hänn e Thomas Platter-Schuelhuus z Basel. An dr Gundeldingerstrooss 280 – am Egge Gundeldingerstrooss / Ingelstaiwääg – git s au e Thomas Platter-Huus, aigetlig e glai Schlessli. Friener het s vier Schlessli gää im Gundeli; s Thomas Platter-Huus haisst mit em volle Name «Under Mittler Gundeldinge». Uff eme fascht quadratische Staisoggel stoot e Fachwärgg-Gschoss mit Balustrademotive und Gryzstoggfänschter, driber e pyramidefermig Walmdach. Im Innere stuunt man über Dekorationsmoolereyen und e scheeni Balggebiini. Me ka sich kuum me vorstelle, dass es emol e Wassergraaben und e wyt landwirtschaftlig Guet drumumme gha het; jetz isch s Sitz vom ene Schuel-Räggtorat. Dasch au absolut sinnvoll, denn dä Maa, wo s Huus noon em haisst, wo s em gheert het und won em die hittigi Gstalt gää het, dr Thomas Platter (1499 – 1582) isch als Humanischt und Räggtter vom Gymnasium «uff Burg» aini vo de wichtigschte Gstalten in dr Gschicht vom Basler Schuelwäase gsi.

«Vom Walliser Gaissbueb zem Buch-Druggerheer, Räggtter und Schlossbitzer», soo kennt me d Biographie vo dä Maa umschrybe. Uff d Wält koo isch dr Thomas Platter z Grächen im Ooberwallis. Mit drey Joor het er sy Vatter verloren und isch in groosser Aarmuet uffgwaggse. Aber bim Pfaarer vo

St. Niklaus her er latynisch gleert, und dr beriebt Kardinal Schiner het prophezeit: «Gwiss wird etzwas bsundrig uss dem Kind werden». Mit eme «faarende Scholar» isch er in e bar Länder ummezooge – mit Hunger, Bättlen und Stääle – und drno het er z Schlettstadt und Ziiri kenne studiere, bim Myconius, em speetere Noofolger vom Oekolampad z Basel. D Magd vom Myconius, d Anna Dietschi, isch sy Frau worde. Ane 1530 isch er mit Frau und Dechterli wider uff Basel koo. Friener het er doo als Sailer gschaftt gha; jetz isch er Diener vom ene bischefflige Lyybarzt und Korräkter bim Drugger Herwagen wor-

de. 1535 het er mit drey anderen e Druggerey ibernoo, si hänn sogar d «Institutio Religionis Christianae» vom Calvin druggt. In sym Internat het er Schieler und Studänte – au jungen Aadlige – Schuel gää. Vo 1541 bis 1587 het er als Räggtter s Gymnasium «uff Burg» glaitet. Als ryyche Maa het er s Huus «zem Gejagd» an dr oobere Freye Strooss kauft und 1549 s Landguet und Schlessli, wo mer jetz als Thomas Platter-Huus kenne. Ain vo syne Seen isch speeter dr beriebt Stadtarzt Felix Platter worde.

Carl Miville-Seiler

